

Մայիս 9-ին Ալեքսանդրապոլի զինւորական գործադիր կոմիտէի նախագահ Պրեզիւրովը հեռագրում է Օդակոմի նախագահ Խարլամովին, որ թուրքերը գողացել են պահակախմբի զէնքերը, և այդ պատճառով մի վաշտ զինւորներ խուզարկել են թուրքական թաղը:

Մայիս 13-ին Ալեքսանդրապոլի գաւառական կոմիսարը 101րդ երկրապահ հարկւրեակի զինւորների ու միլիցիոնների հետ խուզարկում է Կարսի շրջանի Օղչի-Օղլի գիւղը և բռնում 2 սայլ՝ 7 արկղ պետական հրացան ու փամփուշտ: Թուրք գիւղացիք կրակում են և վիրաւորում մի զինւոր:

Մայիսի առաջին երկու-երեք շաբաթների ընթացքում բաղմաթիւ յարձակումներ եղան Օղնուտ—Երզնկայի շրջանի և Բասէնի հայ գիւղերի վրա: Յարձակման ու թալանի զոհերը, մեծ մասամբ, գաղթականները կամ զինւորական պահեստներն ու կայաններն էին:

Մայիս 29-ին քիւրդերը յարձակւեցին Սոուկ Սուի գօրակայանի վրա. եղաւ բռնն կռիւ:

Յունիս 1-ին յարձակման ենթարկւեց Գաւրիշամիի կառավարական պարենաւորման խումբը: Յունիս 8-ին քիւրդերը յարձակւեցին կաղակների վրա Բայազէտի մօտ: Յարձակումներ եղան Արագածի շրջանում, Նոր-Բայազէտում, Սուրմալուում...

Յունիս 1—2-ին, Գաւրիշամիի մօտ սպանւեցին 3 հայեր, վիրաւորւեց մէկը, քշւեց 80 բռնակիր եղ, 2 ձի:

Յունիս 2-ին, Արհաջ գիւղի մօտ վան վերադարձող 50-60 գաղթականներ կողոպտւեցին քիւրդերից, սպանւեց մի մարդ, քշւեց 60 եղ և 40 սայլ անասուններ:

Յունիս 6-ին Արծափի և Մոսունի միջև քիւրդերը մորթեցին 6 հայեր:

Յունիս 15-ին 300 քիւրդեր քշեցին իգդիրցիների անասունները՝ սպանելով մէկ և վիրաւորելով 9 մարդ:

Յուլիս 14-ին քիւրդերը քշեցին դամարլուցիների տաւարը՝ սպանելով ու վիրաւորելով մի քանի հայեր:

Ձանաղան տեղեր յարձակման էին ենթարկւում երկիր վերադարձող գաղթականները կամ թիկունք մեկնող զինւորները:

«Օգտւելով Ժամ. Կառավարութեան Ժամանակաւոր թուլութիւնից և պրովոկացիոն մութ ուժերի դրդումից, գրում էր յունիս 8-ին «Հորիզոն»-ը, Սուրմալուից Հայոց Ձոր ու Հայոց Ձորից մինչև Մամախաթուն քրդական աւազակաբարոյ, մինչև ատամները զինւած հրոսախմբերը յարձակւում են խաղաղ բնակչութեան վրա, կողոպտում են, վիրաւորում ու սպանում... Ձեն քաշում անգամ զինւորների ու պարենատար գօրամասերի վրա էլ յարձակւելուց»:

Ի հարկէ, կարելի է ասել, որ քրդական աւազակութիւնները առաջ էլ սովորական երեսոյթ էին և թիւրքական սադրանքներով չպէտք է բացատրել, բայց փաստը ցոյց է տալիս, որ աւազակութիւններն ու յարձակումները կատարւում էին, մեծ մասամբ, ռազմագիտական նշանակութիւն ունեցող վայրերում, գաղթականների վերադարձի ճանապարհների վրա, գօրքի թիկունքում: Դժւար էր տեսնել, որ այդ շարժումներն ունեն ներքին ծրագիր